

Կ Ա Ր Գ

ՀԱՆՐԱՊԵՏԱԿԱՆ ԳՆԴԱԿԱՊԱՐԿՈՒՃԱՅԻՆ ՀԱՇՎԱՌՄԱՆ
ՔԱՐՏԱԴԱՐԱՆԻ ԳՈՐԾՈՒՆԵՈՒԹՅԱՆ

1. Սույն կարգով կանոնակարգվում են Հայաստանի Հանրապետության հանրապետական գնդակապարկուճային հաշվառման քարտադարանի (այսուհետ՝ գնդակապարկուճադարան) կազմակերպման և գործունեության հետ կապված հարաբերությունները:

2. Գնդակապարկուճադարանը Հայաստանի Հանրապետության ներքին գործերի նախարարության փորձաքրեագիտական վարչության կառուցվածքային ստորաբաժանումն է:

3. Գնդակապարկուճադարանն իր գործունեության ընթացքում ղեկավարվում է սույն կարգով և այլ իրավական ակտերով:

4. Գնդակապարկուճադարանի հիմնական խնդիրներն ու գործառույթներն են՝

1) ձգաբանական փորձաքննությունների և հետազոտությունների կատարումը, դատական ձգաբանության միջոցներով և մեթոդներով քրեական վարույթների քննության և հանցագործությունների բացահայտման քրեատեխնիկական ապահովումը.

2) դեպքի վայրից վերցված և քրեական վարույթով իրեղեն ապացույց ճանաչված ակոսափող հրազեններից, ինչպես նաև ակոսափող զենքի փամփուշտներ կրակելու համար վերափոխված կամ ինքնաշեն զենքերից (ոչ ավելի քան 12,7 մմ տրամաչափ ունեցող) կրակված գնդակների, պարկուճների և զենքի հետքեր ունեցող փամփուշտների հանրապետական գնդակապարկուճային հաշվառումը.

3) Հայաստանի Հանրապետության տարածքում շրջանառության մեջ գտնվող քաղաքացիական, ծառայողական և մարտական ակոսափող հրազեններից (ոչ

ավելի քան 12,7 մմ տրամաչափ ունեցող) (այդ թվում՝ կորած և հափշտակված) ստուգողական կրակված գնդակների և պարկուճների հաշվառումը և պահպանումը.

4) քրեական վարույթներով քնության և հանցագործությունների բացահայտման գործում ձգաբանական փորձաքնությունների և հետազոտությունների կատարման արդյունավետության վերլուծությունը, առաջարկություններ ներկայացնելը.

5) իրավապահ մարմիններին, փորձագիտական հիմնարկներին հանցագործությունների դեմ պայքարում ձգաբանության քրեագիտական միջոցների և մեթոդների կիրառման գործում և գնդակապարկուճադարանի հնարավորությունների օգտագործման հարցում մեթոդական, խորհրդատվական և գործնական օգնության ապահովումն ու մասնագետների ստաժավորումը.

6) քրեական վարույթներով քնության և հանցագործությունների բացահայտման գործում ձգաբանության քրեագիտական միջոցների և մեթոդների կիրառման նորմատիվ ակտերի նախապատրաստումը.

7) ձգաբանության քրեագիտական միջոցների և մեթոդների կիրառման ու քրեագիտական հաշվառումների արտասահմանյան դրական փորձի ուսումնասիրությունը և ընդհանրացումը, հայրենական ու արտասահմանյան արտադրության ձգաբանության քրեագիտական միջոցների և մեթոդների փորձարկումը.

8) օտարերկրյա պետությունների իրավասու մարմինների հետ համագործակցությունը.

9) զենքի հավաքածուների և տեղեկատուների կազմումը:

5. Գնդակապարկուճադարանի նպատակներն են՝

1) հանցագործության կատարման ժամանակ գործադրված կոնկրետ զենքի պարզումը.

2) մի քանի հանցագործությունների կատարման ժամանակ միևնույն չպարզված զենքի գործադրման փաստերի բացահայտումը.

3) առգրավված, գտնված, կամավոր հանձնված, կորած (հափշտակված) ակոսափող, ինչպես նաև ակոսափող զենքի փամփուշտներ կրակելու համար վերափոխված կամ ինքնաշեն զենքի գործադրմամբ Հայաստանի Հանրապետության տարածքում կատարված հանցագործությունների փաստերի բացահայտումը:

6. Հանրապետական գնդակապարկուճադարանում հաշվառումն իրականացվում է հավաքածուներ կազմելու, թղթային և էլեկտրոնային եղանակներով:

7. Գնդակապարկուճադարանը ներառում է հետևյալ հավաքածուները՝

1) դեպքի վայրից վերցված և քրեական վարույթով իրեղեն ապացույց ճանաչված ակոսափող զենքերից, ինչպես նաև ակոսափող զենքի փամփուշտներ կրակելու համար վերափոխված կամ ինքնաշեն զենքերից (ոչ ավելի քան 12,7 մմ տրամաչափ ունեցող) կրակված գնդակներ, պարկուճներ և զենքի հետքեր ունեցող փամփուշտներ.

2) առգրավված, վերցված, գտնված, կամավոր հանձնված ակոսափող, ինչպես նաև ակոսափող զենքի փամփուշտներ կրակելու համար վերափոխված կամ ինքնաշեն զենքերից (ոչ ավելի քան 12,7 մմ տրամաչափ ունեցող) ստուգման նպատակով կրակված պարկուճներ և գնդակներ.

3) քաղաքացիական, ծառայողական և մարտական ակոսափող զենքերից (ոչ ավելի քան 12,7 մմ տրամաչափ ունեցող) ստուգողական կրակված գնդակներ և պարկուճներ.

4) քաղաքացիական, ծառայողական և մարտական կորած (հափշտակված) ակոսափող զենքերից (ոչ ավելի քան 12,7 մմ տրամաչափ ունեցող) ստուգողական կրակված գնդակներ և պարկուճներ.

5) գնդակապարկուճադարանի արխիվ:

8. Հայաստանի Հանրապետության տարածքում շրջանառության մեջ գտնվող ակոսափող զենքից ստուգողական կրակվում է գնդակապարկուճադարանում հաշվառելու, դրա կորստի (հափշտակման) դեպքում հետախուզելու, ինչպես նաև դրա գործադրմամբ կատարված հանցագործությունը բացահայտելու նպատակով:

9. Հայաստանի Հանրապետությունում արգելվում է քաղաքացիական, ծառայողական և մարտական ակոսափող զենքերի շրջանառությունը՝ առանց դրանց նախնական ստուգողական կրակելու:

10. Ստուգողական կրակման ենթակա են՝

1) պետական ռազմականացված կազմակերպությունների սպառազինության մեջ գտնվող, ինչպես նաև «Զենքի շրջանառության կարգավորման մասին»

օրենքով նախատեսված դեպքերում ակոսափող զենք ձեռք բերելու իրավունք ունեցող այլ սուբյեկտների ակոսափող զենքերը.

2) առգրավված, վերցված, գտնված և կամավոր հանձնված ակոսափող, ինչպես նաև ակոսափող զենքի փամփուշտներ կրակելու համար վերափոխված ողորկափող կամ ինքնաշեն զենքը.

3) Հայաստանի Հանրապետությունում արտադրված ակոսափող զենքը՝ նախքան իրացումը.

4) Հայաստանի Հանրապետություն վաճառքի համար ներմուծված ակոսափող զենքը՝ նախքան վաճառքը.

5) Հայաստանի Հանրապետության քաղաքացու կողմից ձեռք բերված ակոսափող զենքը՝ նախքան զենք պահելու և կրելու թույլտվություն ստանալը.

6) Հայաստանի Հանրապետության քաղաքացու սեփականությունը հանդիսացող ակոսափող զենքը՝ այլ անձի փոխանցելու կամ վաճառքի դեպքում.

7) պարզևատրված անձանց ակոսափող զենքը՝ նախքան պահելու և կրելու թույլտվություն ստանալը.

8) օտարերկրյա պետություններում զենքով պարզևատրված անձանց ակոսափող զենքը՝ նախքան պահելու և կրելու թույլտվություն ստանալը.

9) վերափոխված կամ վերանորոգված (ձգանահարվածային մեխանիզմ, փամփուշտանոց, փող և այլն) ակոսափող զենքը՝ նախքան իրացումը կամ սեփականատիրոջը փոխանցելը.

10) կազմակերպություններում պահվող և օգտագործվող ակոսափող զենքը՝ վաճառքի կամ փոխանցման դեպքում՝ նախքան այդ.

11) իրավաբանական և ֆիզիկական անձանց կողմից զենք պահելու և օգտագործելու կամ պահելու և կրելու թույլտվության ժամկետը երկարաձգելու համար իրենց պատկանող ակոսափող զենքերը՝ ներկայացնում են փորձաքրեագիտական ստորաբաժանում Հայաստանի Հանրապետության ոստիկանության տված ուղեգրի համաձայն.

12) ակոսափող զենքը վաճառելու, նվիրելու, ժառանգելու դեպքում՝ այն ներկայացվում է փորձաքրեագիտական ստորաբաժանում՝ Հայաստանի Հանրապետության ոստիկանության տված ուղեգրի համաձայն:

11. Պետական ռազմականացված կազմակերպությունների սպառազինության մեջ գտնվող, ինչպես նաև «Ջենքի շրջանառության կարգավորման մասին» օրենքով նախատեսված դեպքերում ակոսափող զենք ձեռք բերելու իրավունք ունեցող այլ սուբյեկտների ակոսափող զենքերից ստուգողական կրակվում է դրանց տեղակայման վայրում կամ գնդակապարկուճադարանում:

12. Ստուգողական կրակելը ձևակերպվում է արձանագրությամբ՝ երկու օրինակից, որոնցից մեկը կրակված գնդակների և պարկուճների հետ միասին պահվում է գնդակապարկուճադարանում, իսկ երկրորդը՝ տվյալ կազմակերպությունում:

13. Ստուգողական կրակման ենթակա զենքի տեղափոխումը և ռազմամթերքի տրամադրումն իրականացվում են ֆիզիկական անձանց, իրավաբանական և պետական ռազմականացված մարմինների կողմից:

14. Քաղաքացիական և ծառայողական ակոսափող զենքից կրակվում է գնդակապարկուճադարանում՝ գնդակապարկուճադարանի աշխատողների կողմից:

15. Քրեական վարույթ իրականացնող մարմինները դեպքի վայրերից վերցված և քրեական վարույթներով իրեղեն ապացույց ճանաչված ակոսափող, ինչպես նաև ակոսափող զենքի փամփուշտներ կրակելու համար վերափոխված կամ ինքնաշեն զենքերը, կրակված գնդակները, պարկուճները և զենքի հետքեր ունեցող փամփուշտները հետազոտման և ստուգման են ներկայացնում գնդակապարկուճադարան՝ համապատասխան որոշմամբ կամ ուղեկցական գրությամբ:

16. Այլ փորձագիտական հիմնարկ ձգաբանական փորձաքննության ներկայացնելու դեպքում՝ փորձաքննության ավարտից հետո 10-օրյա ժամկետում դրանք ներկայացվում են գնդակապարկուճադարան՝ ստուգման և հաշվառման նպատակով:

17. Ստուգողական կրակման և հաշվառման ենթակա քաղաքացիական, ծառայողական և պարզևատրված ակոսափող զենքերը գնդակապարկուճադարան են ներկայացվում Հայաստանի Հանրապետության ոստիկանության հասարակական

անվտանգության ապահովման գլխավոր վարչության կողմից՝ համապատասխան ուղեկցական գրությամբ կամ ուղեգրով:

18. Պետական ռազմականացված կազմակերպությունների սպառազինության մեջ գտնվող կամ ձեռք բերված ակոսափող զենքերը ստուգողական կրակման և հաշվառման են ներկայացվում գնդակապարկուճադարան իրենց կողմից՝ համապատասխան ուղեկցական գրությամբ:

19. Ստուգման և ստուգողական կրակման նպատակով գնդակապարկուճադարան ներկայացված զենքերը գրանցվում են համապատասխան հաշվառման մատյաններում և հետազոտվում՝ կրակելու համար պիտանիությունը պարզելու նպատակով: Ստուգման և հետազոտման արդյունքների մասին ողջամիտ ժամկետում գրավոր տեղեկացվում է նախաձեռնողին, իսկ անհրաժեշտության դեպքում՝ նաև այլ շահագրգիռ ծառայություններին:

20. Զենքը, կրակված գնդակները, պարկուճները և զենքի հետքեր ունեցող փամփուշտները գնդակապարկուճադարան են ներկայացվում իրենքն ապացույցների համար սահմանված փոխադրման կարգով:

21. Գնդակապարկուճադարանում հաշվառման ենթակա զենքից կրակվում է հետևյալ քրեատեխնիկական պահանջներին համապատասխան՝

1) զենքի յուրաքանչյուր միավորից (փոխվող կամ ներդիր փողից) առնվազն 3-ական ստուգողական գնդակ և պարկուճ, իսկ փոխվող պահեստատուիների առկայության դեպքում՝ յուրաքանչյուր պահեստատուից ևս նույն քանակով:

2) ռևոլվերներից կրակելու դեպքում ստացվում են 2-ական գնդակ և պարկուճ՝ թմբուկի յուրաքանչյուր խցից: Ռևոլվերներից կրակում են նախ շապիկավոր, ապա նոր կապարեն գնդակներ ունեցող փամփուշտներով (այն զենքերից, որոնք չունեն կապարեն գնդակներ ունեցող փամփուշտներ, կրակում են մեկական անգամ):

3) կրակելու մի քանի ռեժիմներ (մենահատ, կրակահերթ) ունեցող զենքերից կրակվում է բոլոր ռեժիմներով:

4) գործարանային արտադրության զենքի փողի փամփուշտանոցի կամ փակադակի վերափոխման դեպքում հնարավորության դեպքում նախ կրակվում է տվյալ զենքի համար նախատեսված փամփուշտներով, ապա՝ հարմարեցվածներով:

5) այնպիսի զենքի ներկայացման դեպքում, երբ դրա փամփուշտները վերափոխված են կամ ինքնաշեն, այդ զենքից կրակվում է ինչպես դրանցով, այնպես էլ՝ տվյալ զենքի համար նախատեսված փամփուշտներով:

6) անսարք զենքից հնարավորության դեպքում կրակվում է կոտրված կամ բացակայող մասերի համալրումից հետո (նմուշային հավաքածուի մեջ առկա), որի մասին պարտադիր նշվում է համապատասխան գրության մեջ:

7) կրակելուց առաջ յուրաքանչյուր զենք պետք է մաքրվի յուղից, իսկ դրա փողն ու փակադակը պետք է սրբվեն: Զենքից պետք է կրակել հրաձգարանում կամ հատուկ կահավորված այնպիսի վայրերի գնդակապարկուճառքսիչների մեջ, որտեղ կապահովվի հետքերի որակյալ ստացումը:

22. Գնդակապարկուճառքարան ներկայացված զենքից ստուգման նպատակով կրակելու արդյունքում ստացված գնդակները և պարկուճները ստուգվում են գնդակապարկուճառքարանով, որից հետո վերցվում են համապատասխան հաշվառման: Ստուգման ամբողջ ժամանակահատվածում տվյալ զենքը պահվում է հանրապետական գնդակապարկուճառքարանում:

23. Ստուգման նպատակով կրակված գնդակների և պարկուճների գնդակապարկուճառքարանում պահպանման ժամկետը 5 տարի է, որից հետո դրանք սահմանված կարգով ոչնչացվում են:

24. Գնդակապարկուճառքարան ներկայացված զենքը, կրակված գնդակները, պարկուճները և զենքի հետքեր ունեցող փամփուշտները ստուգվում են 30-օրյա ժամկետում՝ ձգաբանական ավտոմատացված նույնականացնող համակարգի առկայության պայմաններում, դրա բացակայության դեպքում՝ ողջամիտ ժամկետում, իսկ բացառիկ դեպքերում (նախաքննության մարմնի դիմելու դեպքում)՝ 15-օրյա ժամկետում:

25. Գնդակապարկուճառքարանում հաշվառման ենթակա չեն՝

1) ակոսափող ուսումնական զենքը, եթե այն հարմարեցված չէ կրակելու համար:

2) 12,7 մմ տրամաչափից մեծ տրամաչափ ունեցող զենքը:

3) անսարք կամ խիստ ժանգոտված մասեր (դետալներ) ունեցող ակոսափող, ինչպես նաև ակոսափող զենքի փամփուշտներ կրակելու համար վերափոխված կամ ինքնաշեն զենքը, եթե անհնար է դրանից ստուգման նպատակով կրակված

գնդակների և պարկուճների վրա ստանալ համեմատական հետազոտության համար պիտանի հետքեր.

4) ողորկափող, օդաճնշիչ, գազային, վնասվածքային, մալած զենքերը, ազդանշանային սարքերը, եթե դրանք հարմարեցված չեն ակոսափող զենքի փամփուշտներ կրակելու համար:

26. Գնդակապարկուճադարանում կրակված գնդակները, պարկուճները և զենքի հետքեր ունեցող փամփուշտները հաշվառվում են ըստ փամփուշտի տեսակի և տրամաչափի:

27. Զենքի յուրաքանչյուր միավորից (փոխվող կամ ներդիր փողից) ստացված ստուգողական գնդակներն ու պարկուճներն առանձին-առանձին փաթեթավորվում են փափուկ թղթի (բամբակի, թանգիֆի) մեջ, դրվում պոլիէթիլենային կամ այլ փաթեթում և ամրակնքվում: Փաթեթում տեղադրվում է տպագիր ցանկ՝ զենքի մոդելի, տեսակի, սերիայի, համարի, տրամաչափի, թողարկման տարեթվի, զենքի սեփականատիրոջ կամ կազմակերպության և կրակելու ամսաթվի մասին նշումով:

28. Գնդակապարկուճադարանում հաշվառված՝ դեպքի վայրերից վերցված և քրեական վարույթներով իրեղեն ապացույց ճանաչված կրակված գնդակները, պարկուճները և զենքի հետքեր ունեցող փամփուշտները պահվում են գնդակապարկուճադարանում մինչև գործադրված զենքի պարզումը:

29. Գործադրված զենքի պարզման դեպքում գնդակապարկուճադարանում հաշվառված կրակված գնդակները, պարկուճները և զենքի հետքեր ունեցող փամփուշտները հանվում են հաշվառումից և ողջամիտ ժամկետում ուղարկվում են վարույթն իրականացնող մարմնին՝ քրեական վարույթի նյութերին կցելու համար:

30. Այն դեպքում, երբ բացահայտվում է հանցագործությունը՝ առանց գործադրված զենքի պարզման, ապա այդ քրեական վարույթով իրեղեն ապացույց ճանաչված կրակված գնդակները, պարկուճները և զենքի հետքեր ունեցող փամփուշտները գնդակապարկուճադարանում պահվում են մինչև գործադրված զենքի պարզումը:

31. Այլ փորձագիտական հիմնարկում նշանակված հետազոտության կամ փորձաքննության կատարման նպատակով կամ դատաքննության փուլում զննվելու նպատակով գնդակապարկուճադարանում հաշվառված կրակված գնդակները,

պարկուճները և զենքի հետքեր ունեցող փամփուշտները կարող են ուղարկվել վարույթն իրականացնող մարմնին, որը համապատասխան հետազոտության արդյունքներն ստանալուց հետո 5-օրյա ժամկետում պետք է ապահովի դրանց վերադարձը՝ համապատասխան ուղեկցական գրությամբ:

32. Քաղաքացիական, ծառայողական և մարտական ակոսափող զենքերի կորստի (հափշտակման) դեպքում ներքին գործերի տարածքային ստորաբաժանման պետը (որտեղ գրանցվում է դեպքը) 24 ժամվա ընթացքում դրա մասին հայտնում է գնդակապարկուճադարան, որտեղ այդ զենքից ստուգման նպատակով կրակված գնդակներն ու պարկուճներն առանձնացվում են, ներառվում են քաղաքացիական, ծառայողական և մարտական կորած (հափշտակված) ակոսափող զենքերից ստուգողական կրակված գնդակների և պարկուճների հավաքածուի մեջ և ստուգվում՝ համեմատվելով դեպքի վայրերից վերցված, քրեական վարույթներով իրեղեն ապացույց ճանաչված և գնդակապարկուճադարան նոր ներկայացվող կրակված գնդակների, պարկուճների և զենքի հետքեր ունեցող փամփուշտների հետ:

33. Քաղաքացիական, ծառայողական և մարտական ակոսափող զենքերը հաշվառումից հանելու դեպքում (ոչնչացում, վաճառք, փոխանցում Հայաստանի Հանրապետության տարածքից դուրս) Հայաստանի Հանրապետության ներքին գործերի նախարարության հասարակական անվտանգության ապահովման գլխավոր վարչությունը կամ պետական ռազմականացված կազմակերպության համապատասխան ստորաբաժանումը 10-օրյա ժամկետում այդ մասին հայտնում է գնդակապարկուճադարան՝ նշելով զենքը հաշվառումից հանելու պատճառը:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏԻ ԱՇԽԱՏԱԿԱԶՄԻ
ՂԵԿԱՎԱՐ

Ա. ՀԱՐՈՒԹՅՈՒՆՅԱՆ